



01. oktober 2019

UKA2019/153

**Inatsisartut aalajangiiffigisassaattut siunnersuut Naalackersuisut peqquneqarnissaat pillugu sulisutigeqqullugu erngup nukinganik iluaquteqarluni nukissiorfiliornissaq Qasigiannuanut aamma Aasiannut pilersuisussamik, aamma Nuup erngup nukinganik iluaquteqarluni pilersorneqarnerata annertusineqarnissaanik, maleruagassat siunnersuutip aallaqqaataani tunngavilersuutitut nalunaarsorneqartut naapertorlugit aqqissuunneqartussamik (Immikkoortut A-miit D-mut) (Aleqa Hammond, Nunatta Qitornai)**

Tulluusimaarutiginanngitsuunngilaq nunatta ullumikkut kallerup inneranut atukkatsinnut katillugu 70%-ia angullugu erngup nukiganik minguitsumik piusuummat. Nunarsuarmioqatitsinnit amerlanerpaanik annertuneroreerpoq. Tassa nunatut periarfissavut atorluaratsigit, piffissamut ungasinnerusumut imminut napatinnerunissamut politikkeqaratta, avatangiisitsinnut pitsaaneruserusumik isumaqaratta minnerunngitsumillu uuliamik pinngitsuuisinnaanermik politikkeqaratta.

Kyotomi isumaqatigiissutip atuuttuulersinneqarnissaanut anguniaqartunut ilaalernitsinnili mingutsitsinngitsumik nukissiuteqarnissamut suliniarneq annertusivoq, siunnerfillu inatsisartutigoortumik anguniarneqarnissaanik tunuliaqutilik naalackersuinikkut ataatsimoorfigineqartuarnera qujassutissaraarput.

Kingorna Parisimi isumaqatigiissut taperserparput, Naalagaaffiillu Peqatigiit piujuartussamik ineriartortsinissaq pillugu nunarsuarmi anguniagaanni ilaatigut SDG-nik taaneqartartut anguniarnerini suleqataalerluta.

Pingaarnepaajuvorli nunaqarsuarmioqatigiinnut mingutsitsinnginnissamik anguniagaqarnitsinnit tamanit pingaarnepaavoq inuuniarnitta akisoqisup akitigut apparsaataasinnaasut aqqutissiuunneqarnissaat, imminut pilersornissaq aammalu nunatta tunniussinnaasaanik tunngaveqartumik ingerlatsiniarneq nukiummat pingaarnepaaq.

Suli nukissiuteqarnikkut anneruserusumik pitsaaneruserusumillu angusaqarumasunik 2030-milu anguniakkat angusimanissaanik pimoorussineq iluaqaaq. Tamassuma anguniarneranut nunattalu tamarmi-usup peqataanerunissaanik Naalackersuisut anguniagaqarnerat maanna siunnersuutikkut aamma ersertoq torraageqaarput.

Qasianguit aammalu Asiaat ataatsikkoortumik pilersorneqarfiusumik erngup nukissiuteqarnissamut pilersaarutip piuviusunngortinneqarnissaanut anguniakkap iluserisinnaasaa pillugu siunnersuut una tunngaviliivoq.

# Nunatta Qitornai

## Inatsisartuni



Nuummi erngup nukissiutitigut pilersorneqarneq allilernerqarneratigut aningaasatigullu iluanaarutigineqarluartussaasup imminullu akilersinnaalluartup iluaqutigineqarneratigut Qasigiannguani Aasiannilu erngup nukissiuteqarnerup atuutilersinneqarsinnaaneranut aqqutissiuussineq taperserparput.

Nuna ataqatigiittumik aammalu illoqarfiit iluaqutigisinnaasaanik ataqatigiissakkamik isumaqarluni ingerlatsiniarneq iluarisimaarlutigu taperserparput.

Naalakkersuisut periuserineqarsinnaasut arlariit saqqummiussaasa takutippaat siunnersuutigineqartoq tassaasoq naapertuilluarnerusoq aammalu allaffissornikkut, pilersaaruteqarnikkut aammalu piviusunngortitsinissamut piviusorsiornerusoq, tamannalu tamakkiisumik taperserparput.

Ataatsimiitialiamut ingerlateqqinneqarnissaanik sulilluarnissaanillu kissaassivugut.